

郴州志卷之十五

循良傳

漢衛颯字子產河內脩武人家貧嗜學建武二年除襄城令政有名遷桂陽太守至即修學校教民以婚姻之禮先是含漚滇陽曲江三縣越之故地武帝平之內屬桂陽民去郡者或千里吏事往來輒發民乘船名曰傳役百姓苦之颯乃鑿山通道列亭傳置郵驛于是役息勞省耒陽出鐵石他都

郴州志

卷之十五

一

民招來亡命私為冶鑄多致奸盜乃上鐵官罷斥其所施為莫不合于物宜視事十年郡內清謐二十五年徵還為少傅

茨克南陽人代颯為桂陽日以安養百姓為事教民種植桑麻養蠶織履人得利益

許荆字少張會稽陽羨人和帝時遷桂陽太守耒人有蔣均者兄弟爭財互相訐訟荆歎曰吾荷國重任而教化不行咎在守乃上書陳狀乞詣廷尉

均兄弟感悟各受罪視事十二年父老稱歌徵拜  
諫議大夫

樂巴字叔元魏郡內黃人學貫經術性質直不與  
常侍交擢為郎中遷桂陽太守定婚姻喪祭之禮  
與學校政事明察視事七年荊州刺史李固薦巴  
治迹徵拜議郎光祿大夫

度尚字博平山陽湖陸人尚事母孝通京氏易古  
文尚書為政嚴明發摘姦伏吏民謂之神明延熹

郴志

卷之十五

二

五年以右鄉侯遷桂陽太守明年徵還荊州兵亂  
與桂陽賊胡蘭等攻桂陽太守任胤棄城走賊轉  
攻零陵詔尚為中郎將將步騎兵與長沙太守杭  
徐祭諸郡兵討擊大破之詔賜尚錢百萬後為荆  
州刺史遼東太守

周憬字君光徐州下邳人性仁厚舉孝廉拜桂陽  
太守以德綏下邦域惟寧開武溪通南海商船至  
今稱便

評曰颯鑿山通道利番世世尚剗賊安民較克輦  
尤卓異者也乃荆憬獲在朝祀豈越度二公者耶  
晉王珣國字德重武帝永明初遷桂陽刺史境內  
肅清任還路經江州柳世隆渚餞見其還裝輕素  
歎曰此良二千石也  
唐楊於陵元和十一年以兵部侍郎兼御史大夫  
判度支坐淮西餉道乏貶郴州刺史在任躬勤于  
治不以卑遠爲薄

柳志

卷之十五

三

李吉甫趙人栖筠子真元初爲刺史誅破姦盜窟  
穴治效流聞

宋張繼勳乾德初與丁德裕潘美帥兵克郴州遂  
爲刺史兼監使

洪湛太守時知郴州俊辯有材幹治聲大著  
周敦頤字茂叔管道人博學力行遇事剛果有古  
人風爲郴縣令政事精密嚴恕務盡道理郡守李  
初平知先生賢不以屬吏遇之既薦諸朝又周其

乏嘗聞先生論學歎曰吾讀書何如先生曰公老矣無及也願請爲公言之初平遂日聽先生語評曰先生倡理學之宗非規規于簿書功名間者李公不以屬吏遇之其知先生矣而郴之得先生也郴其榮矣哉

唐恪民有受害而尸不獲者吏執其隣抑使自誣令以爲信恪爭之令曰否將爲君累恪曰吾爲尉而盜不能捕更俾無辜死乎躬出訪求夕若有告

郴志

卷之十五

四

者旦而得屍遂獲盜

譚世勣時王氏學盛行勣雅不喜或問之曰說多而屢變無不易之論置其書不觀

評曰恪辯疑獄不忍平民之辜可謂仁矣世勣抑王氏之學其端士習之心哉

吳鎰先爲郴教授薦知宜章又知郴縣尋守郴興學訓士大有功于郴

孫逢吉郴州司戶叅軍有文章行誼

王搆景定中知郴州能文章有吏材時朝廷議開  
坑冶奸民射利者群聚煽亂搆上疏力陳利害議  
遂寢

丁燠紹定間爲永興令持身廉慎以文學飭吏事  
躬葺堂廨功舉而民不勞

雷灑創縣治建學課士啓迪尤多歷官至吏部郎  
中

趙希逾留心庠序見學宮夾于戎寨之間謂諸士

郴州志

卷之五

五

曰衿佩絃誦不可與介冑鉦鼓雜處遂移于縣治  
西文教聿興風俗丕變

曹彥約爲桂東路帥奏立縣法制創始

評曰宋之宦于郴邑者不知其幾至今祠事者永  
興惟丁公燠吳宜章乃郡邑兩祀之德澤之在人  
者深矣

元邱澤郴州路總管有政績尤著武功

王都中治郴脩學舍作籩豆簠簋笙磬琴瑟之屬

延師儒誨諸弟子員作郴路誌歷江浙行省叅知政事史臣曰都中歷任四十餘年所至有政譽而治郡之績雖古循吏無以過之當時南人以政事聞天下而位省憲者都中一人而已評曰觀史臣之載都中政績卓乎不可及矣澤不可得而詳也姑惟述其舊者志之

國朝王永隆爲政公勤修學校考課生徒鼓舞人才一時爲盛

郴志

卷之十五

六

袁均哲有才幹百廢具舉平易近人民到于今稱之

王學夔端以持身勤以訓士官至吏部尚書

沈炤由給事中降任性敏而猷練時以大征多官駐郴調度旁午炤處之裕如加意節省

顏容端革弊政興學節省里甲慎選鄉兵重祀典釋奠先師齊明豐潔殿庭煙雲氤氲呈彩色甫兵月以先任事註誤調去後陞雲南僉事道經郴父

老迎送不能舍卒于官樞復過郴百姓如喪考妣  
林藩教郴凡八載葺蓋黌舍修飾祭品皆以已俸  
爲之

方用款人知郴州優恤里甲痛懲宿猾民服吏畏  
尤加意學校改正戟門櫺星門爲一字向又以官  
邸易民塘地掘九曲水入泮池爲學宮壯觀又建  
號舍三十間置買學田四處約租近百石大有功  
於郴庠云

郴志

卷之十五

七

杜琨性純雅勤於課藝尤重義輕利士類嚮服  
鍾卿性廉介居官嘗食藜藿政宜于民

趙恂爲政寬和平易不事赫赫愛百姓如赤子三  
年乞休民間之皇皇如失慈母禱于神願不使去  
且詣當道保留會有譖者謂恂果老病不堪事當  
道信之遂從其請去之日民拜泣車下以萬計至  
擁闕不得行衢巷觀者無問兒童婦女莫不灑泣  
父老追送數十里聯絡不絕

顏若愚勤于課督尤能仗義有廩生孫緒者支過廩米六石緒率愚憫其遺孤以已俸代償之建學店十二間修明倫堂士類至今思頌

陳學伊由揚州太守左遷除煩苛恤里甲徵稅給長單令民照數自納民困大蘇審訟務盡下情雖幽遠之民咸得自達已已冬盜聚桂陽當道征之山路險阻賴公省轉輸仁愛清脩今世罕儔也安得久任我公俾民其蘊耶黃如金師範端肅捐俸修祭器賙貧乏士多頌之

柳志

卷之十五

八

評曰明興歷二百餘年宦柳者不數矣而卓犖去思者僅僅焉至恂與學伊則士民談及今尚淚溼溼下其澤之入於民者深矣吁難及哉難及哉

二公皆去思陳碑在南月城趙碑在總舖前

馬綸政宜民大脩黌序士服其教

周佩築城池置漏澤園理訟公明完逋負新學校廉仁不苛民思慕之

任俊清操自持鎮靜不擾平訟獄興學校當時有



止吃水與一口水之誼

李瑞芳興學愛民值歲飢賑濟有法民賴不困

趙宗韶臨政寬猛得宜雅重文學不忍削民以鼓  
譽

李師周精明獄有疑者鞠之曲直自得雅重文學  
張允中醇厚仁恕肫肫多實政民興思焉

評曰數公爲令裨民寔多綸與允中之仁俊之清  
師周之明皆于便有遺思詩曰樂只君子德音不

柳志

卷之十五

九

已其斯之謂夫

興寧縣

杜堅時當草昧之後堅至撫輯流離慰之就業公  
署學校以次勸建

戴用承杜堅之後政守畫一歲大旱禱雨于仰竈  
龍潭石燕飛集冠上俄而大雨境內沾足歲遂登  
吳志盛廉已愛民首興學校一時科貢得人歲病  
虎患盛竭誠告廟害爲頓息

張時謹泣政嚴明群小屏跡

程瓊正德中徭寇大作奄至城下造呂公車攻城樓堞皆碎瓊隨方捍禦凡七晝夜城幾陷民不忍叛賊知不可犯遁去后具白當道增築城垣高厚至今賴之

顧斌慈愛廉潔專務德化誘士向學勸民務本頑梗弗率者以理論之嘗著 皇明祖訓俗解

封祖裔時值大疫市藥給醫民多全活為政摘奸

柳志

卷之十五

十

剔弊植弱鋤強民以寧靜

麥孟陽嚴於教訓先是徭寇充斥垂十餘年陽大懼人才放逸因為陳說經義擇諸生之通敏者置齋堂時親教督又以俗禮乖僻取文公家禮教之風俗丕變

陳交受性純厚誠心愛民俸資外一無所取舉動有古人風

麥江處心周慎幹濟精明新庠序勤考課諸生貧

而失配者至爲婚娶

劉正亨清慎平易凡所劑量皆爲經久計丁內艱貧不能去民合金以助之力卻不受出境之日泣送者載道

劉應魁諳練老成時峒徭猖獗朝廷議加屠戮根連騷動魁鎮靜以處之兵動而復寢

宜章縣

李輔洪武初知縣事時當草創宣布德化民心歸

郴州

卷之十五

十一

馬縣學壇壝皆所創建

溫福代輔之政守已廉潔賦役均平逃亡聞風歸附

馬經涖政公明教養兼舉厚風俗恤民隱百廢具興

劉寧勞于撫字九載秩滿民保留之

李日春興學勸農得士民心時值旱澇虎患祈禱輒應人謂精誠所感

黃珠獎進人材軫念民瘼裁革公差夫馬節省里甲浪費去之日民爲留靴立碑

姚珏沉醉典籍啓迪弟子負無間寒暑聞風就學者輕千里馬祭畧神龕皆捐俸修理

蘇曰霖持已端嚴教人不倦署縣事二載清聲益著

評曰輔當草創之初而能宣布德化可謂經綸于屯者矣溫馬以後諸公爲牧而克樹政績爲師而

郴志

卷之十五

十三

德教晉聲均有功于宜者也經以甲科卒于官弗獲大用惜哉

桂陽縣

歐陽季謙知桂陽九年政尚寬厚思洽人心以考滿去民歌思之

金輅廉潔豈第寬嚴得宜一日忽遭疾士庶禱者填于市及卒哀痛如喪考妣

江亨守已愛民簡易從事歸之日行李蕭然

劉經政尚嚴肅事不煩瑣

楊易持身清白為政公平脩志傳貯書籍建養濟院歷任九載陞平涼通判士民遮道留焉

余崇魁清苦簡易不取民以起譽聞當道以不及論劾視政如初清節不改

朱經濟性孝友所得俸悉歸於父與弟共之以身教倡士類勤課文字尤篤重行義多士帖服  
劉翔修廢墜置學田

郴志

卷之十五

十三

李文利脩學行造士循循去之日諸生不忍言別多泣下者

桂東縣

胡視遠洪武元年知縣事遷建縣治立法安民民甚宜之

范忠修崇學校百廢整飭

余達增治城池

周鳳鳴興學變俗抑暴鋤強吏民畏服

王舜卿均平里役振作士風民到于今稱之

李輅典建學校置立壇壝

輅典史

譚弘遠董建學宮與有勞勩

歐陽珏創修縣誌

評曰視遠諸公多脩理平平之政豈舊誌有所畧  
與不然輅以尉而遷御史謂無卓異之才也詎然  
哉

郴州志

卷之十五

十四

郴州志卷之十五